



Adresa: **Ul. H. Čemerlića 39**
71000 Sarajevo
<http://www.voda.ba>

tel. +387 33 726 413
fax. +387 33 726 423
e – mail: info@voda.ba

Broj: **UP-1/21-1-40-364-3/22**

Datum: **09.08.2022. godine**

«Agencija za vodno područje rijeke Save» Sarajevo rješavajući po službenom zahtjevu «Agencije za vodno područje rijeke Save» Sarajevo podnesenom putem «Sektora za realizaciju investicionih projekata» za donošenje Rješenja o prethodnoj vodnoj suglasnosti za vađenje materijala iz korita rijeke Vrbasa, na lokalitetu između dva gradska mosta u urbanom području grada, općina Gornji Vakuf-Uskoplje, na osnovu člana 139. stav (1) tačka 6. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98 i 49/99) **donosi**

RJEŠENJE **o prethodnoj vodnoj suglasnosti**

1. Podnosiocu zahtjeva, «Agenciji za vodno područje rijeke Save» Sarajevo daje se prethodna vodna suglasnost u svrhu provođenja daljih aktivnosti na dodjeli prava na vađenje materijala iz korita rijeke Vrbasa i izradi Elaborata za vađenja materijala iz korita rijeke Vrbasa, lokalitet između dva gradska mosta u urbanom području grada koji obuhvata dijelove zemljišnih čestica na obali rijeke Vrbasa označenih kao k.č. broj: 2289 K.O. Gornji VAKUF, općina Gornji Vakuf-Uskoplje.
2. Prethodna vodna suglasnost prestaje da važi ukoliko u roku od tri godine, od dana pravosnažnosti ovog rješenja, ne bude podnesen zahtjev za izdavanje vodne suglasnosti od strane pravnog lica kome bude dodijeljeno pravo na vađenje materijala.
3. Prethodna vodna suglasnost se daje na osnovu pregleda dokumentacije dostavljene uz zahtjev i uz zadovoljenje slijedećih uvjeta:
 - 3.1. Za namjeravano vađenje materijala iz korita rijeke Vrbasa na lokalitetu između dva gradska mosta u urbanom području grada potrebno je od strane pravnog lica kome bude dodijeljeno pravo na vađenje materijala pripremiti dokumentaciju – Elaborat vađenja materijala koji će sadržavati:
 - geodetska snimanja (ne starije od tri mjeseca) situacije i poprečnih profila riječnog korita (na rastojanju do 50,00 m) i uzdužne profile 1:100 ili detaljnije, koja se izvode preko operativnog poligonog vlaka sa osiguranjem krajnjih tačaka poprečnih profila na terenu trajnim biljegama uz položajni opis i nacrt (trigonometrijski obrazac 27), preko kojih će se po završetku radova izvršiti kontrolna geodetska snimanja,
 - izrada situacije lokaliteta na kome se planira vađenje materijala, uzdužnog i poprečnih profila riječnog korita u odgovarajućoj razmjeri,
 - tehničko rješenje načina izvođenja radova i utvrđivanje njihovog obima koje će obavezno uzeti u obzir da se tim radovima bitno ne remeti dinamika prirodnih procesa i prirodna ravnoteža ekosistema ili ne pospješiti štetno djelovanje voda,
 - dinamika vađenja materijala,
 - bilanca mase materijala,
 - definirati lokaciju i površinu deponije u zavisnosti od utvrđene količine materijala vodeći računa da se ista ne može nalaziti u inundacionom pojasu,
 - na osnovu podataka iz katastarskog plana, na preglednoj situaciji obilježiti granice parcela koje su u državnom, odnosno privatnom vlasništvu, a nalaze se u zoni planiranih radova i gradilišta, trasu pristupnog puta i lokaciju deponije izvađenog materijala,
 - deponija izvađenog materijala mora biti locirana izvan uticaja velikih voda (izvan plavnog područja) i izvan vodnog dobra i javnog vodnog dobra,
 - mogući uticaj na izvoriste pitke vode čije se zone sanitarne zaštite prostiru ili su u neposrednoj blizini predmetnog lokaliteta, ako takva postoje i uvjeti za zaštitu izvorišta prilikom izvođenja radova,
 - pregled postojećih korisnika vode sa vodotoka,
 - ocjena mogućnost nastanka negativnih uticaja na druge objekte i postrojenja, korito vodotoka, površinske i podzemne vode, stečena prava korisnika, naselja i sl. i mjere za ublažavanje tih uticaja.

- 3.2. Dinamika vađenja materijala treba da se vrši u periodu usuglašenom sa ribolovnim društvima iz G.Vakufa-Uskoplja, odnosno korisnikom ribolovnog prava na ovom ribolovnom području, vodeći računa o periodu mriještenja plemenite ribe.
- 3.3. Izvođač radova dužan je riješiti imovinsko-pravne odnose sa vlasnikom zemljišta za pristup lokalitetu vađenja materijala, kao i do lokaliteta za odlaganje izvađenog materijala, a prije vađenja materijala iz vodotoka.
4. Prije podnošenja zahtjeva za izdavanje vodne suglasnosti izvođač radova, sa kojim se sklopi Ugovor o izvođenju predmetnih radova, dužan je izraditi elaborat za vađenje materijala iz vodotoka. Elaborat će se uraditi u skladu sa članom 5. stav (3) Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», broj: 31/15, 55/19 i 41/20), a isti treba da bude urađen od strane ovlaštenog pravnog lica, (lista «A») shodno Pravilniku o uvjetima i kriterijima koje mora zadovoljiti pravno lice za izradu dokumentacije na osnovu koje se izdaju vodni akti («Službene novine Federacije BiH», broj 17/08), te u skladu sa uvjetima danim u tački 3.1. dispozitiva ovog rješenja.
5. Uz zahtjev za izdavanje vodne suglasnosti, treba dostaviti sljedeću dokumentaciju:
- Elaborat izrađen u skladu sa uvjetima iz tačke 3.1. dispozitiva ovog rješenja,
 - Ugovor o izvođenju predmetnih radova potpisan sa «Agencijom za vodno područje rijeke Save», Sarajevo,
 - Dokaz o izvršenoj uplati upravne takse u iznosu od 60 KM,
 - Ovjerena kopija rješenja o upisu u sudski registar i identifikacijski broj,
 - Suglasnost udruženja sportskih ribolovaca iz G.Vakufa-Uskoplja na vađenje materijala iz korita rijeke Vrbasa na predmetnom lokalitetu između dva gradska mosta u urbanom području grada u periodu definiranom dodijeljenim ugovorom,
 - Kopija uvjerenja o poreznoj registraciji,
 - Validne dokaze Izvođača da je riješio pitanje imovinsko-pravnih odnosa na trasi pristupnog puta do lokacije vađenja materijala iz vodotoka, te do lokacije za deponiranje kao i na samoj lokaciji za deponiranje izvađenog materijala.
6. Ukoliko nakon izdavanja ove prethodne vodne suglasnosti, a u toku pripreme dokumentacije za podnošenje zahtjeva za izdavanje vodne suglasnosti, nastupe okolnosti za koje se može pretpostaviti da mogu biti od uticaja na rješavanje zahtjeva za donošenje Rješenja o vodnoj suglasnosti, potrebno je o istim obavijestiti ovu Agenciju (ugovornog organa), a u zahtjevu za izdavanje vodne suglasnosti navesti te okolnosti.

Obrazloženje

Podnosilac zahtjeva, «Agencija za vodno područje rijeke Save» Sarajevo putem «Sektora za realizaciju investicionih projekata» Agencije, je dostavio zahtjev dana 19.07.2022. godine za donošenje Rješenja o prethodnoj vodnoj suglasnosti za vađenje materijala iz korita rijeke Vrbasa, kao jedne od mjera za sprečavanje štetnog djelovanja voda na lokalitetu između dva gradska mosta u urbanom dijelu grada, koji obuhvata dijelove zemljišnih čestica na lijevoj obali rijeke Vrbasa označenih kao k.č. broj: 2289 K.O. Gornji VAKUF, općina Gornji Vakuf-Uskoplje.

Uz zahtjev je dostavljena sljedeća dokumentacija:

- Kopija Aktuelnog izvoda iz sudskog registra broj: 065-0-RegZ-14-002716 izdatog dana 21.04.2014. godine izdato od strane Općinskog suda u Sarajevu,
- Kopija Obavještenja o razvrstavanju pravnog lica prema klasifikaciji djelatnosti broj: 07-32.5-45391/12 izdanog dana 11.12.2012. godine od strane Službe za statistiku za područje Kantona Sarajevo,
- Kopija Uvjerenja o poreznoj registraciji izdanog dana 14.12.2012. godine od strane Porezne uprave Federacije BiH - Kantonalni porezni ured Sarajevo,
- Kopija Rješenja o imenovanju komisije broj: 30-649-1/22 od 09.06.2022. godine,
- Kopija Zapisnika komisije za uviđaj na licu mjesta u vezi rješavanja problematike vađenja materijala iz vodotoka Vrbasa na području općine Gornji Vakuf-Uskoplje od 20.06.2022. godine,
- Kopija Odluke broj: 30-694-4/22 o utvrđivanju potrebe za vađenja materijala iz vodotoka Vrbasa u procijenjenoj količini od 1.000 m³, donesene dana 18.07.2022. godine od strane AVP Sava na temelju izvršenog uviđaja na lokalitetu između dva gradska mosta u urbanom području grada Gornji Vakuf-Uskoplje,

- Kopija katastarskog plana (mjerilo 1:5000) K.O. Gornji VAKUF broj plana: 6E1636-2,26-17 izdanog 17.03.2016. godine od strane Službe za prostorno planiranje, imovinsko pravne poslove i katastar općine, Općina Gornji Vakuf-Uskoplje,
- Popisni katastar broj 06/5-26.1-33/22 K.O. Gornji VAKUF broj: 06/5-26.4-2054/22-2 izdanog dana 07.07.2022. godine od strane Službe za graditeljstvo i prostorno uređenje Općina Gornji Vakuf-Uskoplje,

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 124. stav (1) Zakona o vodama i člana 21. Pravilnika o sadržaju, obliku, uvjetima, načinu izdavanja i čuvanja vodnih akata o zahtjevu je dana 28.07.2022. godine obaviještena javnost putem obavještenja na oglasnoj ploči «Agencije za vodno područje rijeke Save» Sarajevo i u dnevnom glasilu «OSLOBODENJE». U ostavljenom roku nije bilo pisanih izjašnjenja o predloženim aktivnostima iz zahtjeva.

U provedenom postupku konstatirano je slijedeće:

U cilju utvrđivanja činjeničnog stanja na terenu, aktom broj: 30-648-1/22 od 01.06.2022. godine formirana je Komisija za utvrđivanje potrebe za vađenjem materijala iz korita rijeke Vrbasa na području općine Gornji Vakuf-Uskoplje. Nakon uviđaja na terenu, Komisija je dana 20.06.2022. godine sačinila «Zapisnik komisije za uviđaj na licu mjesta u vezi rješavanja problematike vađenja materijala iz vodotoka Vrbasa na području općine Gornji Vakuf-Uskoplje» u okviru koga je dato stručno mišljenje i priložena foto dokumentacija sa kratkim opisom stanja na terenu i zaključkom za dalje postupanje. U stručnom mišljenju je konstatirano da, na lokaciji između dva gradska mosta u urbanoj zoni grada, općina Gornji Vakuf-Uskoplje, po procjeni Komisije ima oko 1.000 m³ šljunkovitog materijala, te da treba pokrenuti postupak za uklanjanje predmetnog materijala iz korita rijeke Vrbasa.

Na osnovu provedenog uviđaja na lokalitetu između dva gradska mosta u urbanoj zoni grada, općina Gornji Vakuf-Uskoplje, sačinjenog Zapisnika, stručnog mišljenja i foto dokumentacije, donesena je od strane AVP Sava Odluka o utvrđivanju potrebe za vađenja materijala iz vodotoka Vrbasa broj: 30-694-5/22 od 18.07.2022. godine, čime su se stekli uvjeti za pokretanje upravnog postupka po službenoj dužnosti, a sve prema odredbama člana 6. Uredbe o načinu dodjele prava na vađenje materijala iz vodotoka («Službene novine Federacije BiH», broj 58/15).

Na osnovu priložene dokumentacije u kojoj je utvrđena potreba za vađenjem materijala iz korita rijeke Vrbasa na lokalitetu između dva gradska mosta u urbanoj zoni grada, općina Gornji Vakuf-Uskoplje, u procijenjenoj količini od 1.000 m³, u dispozitivu ovog Rješenja su utvrđeni uvjeti kojima mora udovoljiti dokumentacija na osnovu koje će se pokrenuti postupak za izdavanje vodne suglasnosti za vađenje materijala pravnom licu kome bude dodijeljeno pravo na vađenje materijala, a sve u skladu sa članom 111. stav (1) Zakona o vodama, članom 5. stav (3) i (4) i članom 10. stav (3) Pravilnika o sadržaju, obliku, uvjetima, načinu izdavanja i čuvanja vodnih akata.

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja.

Žalba se podnosi neposredno pismeno, usmeno na zapisnik ili preporučeno putem pošte ovom organu i taksira se sa 15 KM administrativne takse prema tarifnom broju 3. Tarife federalnih administrativnih taksi.

Obradivač akta:

Marko BARIĆ, dipl.ing.građ.

Dostaviti:

- AVP Sava – Sektor 30
- AVP Sava, ISV-vodna knjiga – ovdje
- Sektor 30
- Arhiva – ovdje
- AVP Sava – Oglasna ploča

Po ovlaštenju
Rukovodilac Sektora za izdavanje vodnih akata
Haris Ališehović, dipl.ing.građ.

